

VEDTEKT FOR TILTAKS- OG NÆRINGSFONDET I VALLE KOMMUNE

§1. Heimel, kapital og avkasting.

Fondskapitalen er:

Næringsfond og konsesjonsavgifter på kr 15.564.908,73 pr. 31.01.2013 innbetalt av kraftverka I/S Ovre Otra, jfr. kgl. res.22.11.1912, 09.07.1942, 03.06.1949, 28.06.1957, 15.09.1961 og 15.11.1974, Sira Kvina Kraftselskap, jfr. kgl. res. 05.07.1963, Finndøla Kraftverk, jfr. kgl.res. 07.04.1961 og Hekni Kraftverk, jfr. kgl.res. 31.10.89.

Av dette står det kr 15.564.908,- på konto pr. 31.01.14, inklusive garantifond.

Fondskapitalen kan ikkje nyttast til lån eller tilskot!

Avkastinga er:

A. Årlege konsesjonsavgifter som blir innbetalt i medhald av konsesjonsvilkåra som vedkjem Valle kommune.

B. Renter og anna avkasting av fondskapitalen.

Avkastinga kan nyttast til tilskot og stønadsformer nemnt i §3

§2. Føremål:

Fondet skal primært nyttast til næringsføremål, men kan også nyttast til kommunale fellestiltak. Av fondet kan det gjevast stønad til prosjekt uavhengig om prosjektet har eit kapitalbehov som kvalifiserer til stønad frå distriktpolitiske verkemiddel som vert forvalta av Innovasjon Norge.

Prosjekt som er med på å betre sysselsettingssituasjonen for ungdom, vert prioritert.

Det kan ikkje gjevast stønad til bedrifter til sanering av gjeld eller til den vanlege drifta av verksemder. Fondsmidlane kan ikkje nyttast til den vanlege drifta av kommunen unnateke renter og avdrag på investeringar som er gjort i tråd med fondets formål. Unntak er også løn til næringsjef eller tilsvarende for å forvalte fondet.

Det må visast varsemnd med å gje stønad til verksemd som har ein lokal marknad der etterspurnaden etter varer og tenester i den aktuelle næringa, alt er dekkja innan kommunen. Til næringar som får betydelege overføringar over statsbudsjettet skal det berre gjevast stønad i spesielle høve som til dømes pilotprosjekt, forskning og utvikling, samt fellestiltak av spesiell verdi.

§.3 Stønadsformer

Stønad kan gjevast som tilskot. Det kan vidare gjevast garanti for kommunale tiltak i den grad desse er gyldige i.h.t. kommunelovas §.51, jfr. departementets forskrifter om kommunale garantiar.

Berre unntaksvis kan midlane nyttast til aksjekapital i private verksemder. Om det vert teikna kommunale aksjar, kan dette ikkje vere meir enn 30% av aksjekapitalen i verksemda. Dette gjeld ikkje ved utviklingselskap, utleigebygg o.l. som kommunen etablerer i samarbeid med private verksemder.

§.4 Stønadsvilkår

Samla stønad frå fondet til private næringsformål skal som hovudregel ikkje overstige 30% av prosjektet sitt kapitalbehov. I særskilde høve og ved prosjekt av spesiell verdi for ungdomsarbeidsplasser kan det løyvast inntil 50% av kostnaden. Stønad skal vere avgrensa til ei maksimumsgrense lik den til ei kvar tid gjeldande i EØS avtalen. For tida lik 200.000 Euro til eit og same formål i ei og same verksemd i ein periode på 3 år.

Verksemder som tek i mot stønad pliktar å opplyse om at stønad er motteke frå næringsfondet ved søknad om eventuell ytterlegare stønad frå offentlege midlar innan 3 års perioden går ut. (ein viser til EØS- avtalens regelverk for offentlig stønad, reglane for bagatellmessig stønad (de minimis)).

§.5 Forhold til internasjonale forpliktingar på statsstøtteområdet.

Bruken av fondet må vere i samsvar med dei internasjonale regelverk Noreg har slutta seg til på statsstønadsområdet.

§. 6 Forvaltning

Kommunestyret oppnemner fondsstyret,(for tida formannskapet).

§.7 Årsmelding

Kvart år må det leggast fram ei årsmelding for kommunestyret. Gjenpart av denne meldinga skal sendast til fylkeskommunen og fylkesmannen.

§. 8 Godkjenning av vedtekter

Kommunestyret kan godkjenne endringar av vedtekta. Vedtaket må godkjennast av fylkesmannen. Kopi av godkjente vedtekter skal sendast til fylkeskommunen.

§ 9 Andre retningslinjer

Innafor kommunaldepartementet sine rammer skal bruk av fondet følgje dei til ei kvar tid gjeldande næringspolitiske retningslinjer fastsett av kommunestyret.

Vedtekter pr. 24. juni 2015